



বাংলাদেশ
বিশ্ববিদ্যালয় মঞ্জুরী কমিশন

বাংলাদেশ বিশ্ববিদ্যালয় মঞ্জুরী কমিশন

University Grants Commission of Bangladesh

আগারগাঁও, শেরে বাংলা নগর, ঢাকা-১২০৭

website: www.ugc.gov.bd

প্রধানমন্ত্রী স্বর্ণপদক নীতিমালা, ২০২৫


(২৮.১২.২০২৫ খ্রি. তারিখে অনুষ্ঠিত কমিশনের ১৭৫ তম সভায় অনুমোদিত)

- ১) **শিরোনাম** : প্রধানমন্ত্রী স্বর্ণপদক নীতিমালা, ২০২৫।
- ২) **ভূমিকা** : বাংলাদেশের উচ্চশিক্ষা অঙ্গনের মেধাবী শিক্ষার্থীদের প্রতিভা ও কৃতিত্বকে জাতীয় পর্যায়ে মর্যাদার সঙ্গে তুলিয়া ধরিবার উদ্দেশ্যে বাংলাদেশ বিশ্ববিদ্যালয় মঞ্জুরী কমিশন কর্তৃক ২০০৫ সাল হইতে 'প্রধানমন্ত্রী স্বর্ণপদক' প্রদান কার্যক্রম শুরু করা হইয়াছে। দেশের বিশ্ববিদ্যালয়ের স্নাতক পর্যায়ে শিক্ষার্থীদের কঠোর পরিশ্রম ও একাডেমিক উৎকর্ষ অর্জনের স্বীকৃতি এবং উচ্চশিক্ষায় অধিকতর উৎসাহ প্রদান এই পদকের মূল উদ্দেশ্য।
- ৩) **সংজ্ঞা** : বিষয় বা প্রসঙ্গের পরিপন্থী না থাকিলে, এই নীতিমালায়-
 - ক) 'কমিশন' অর্থ University Grants Commission of Bangladesh Order, 1973 (P.O.No.10 of 1973); দ্বারা গঠিত বাংলাদেশ বিশ্ববিদ্যালয় মঞ্জুরী কমিশন;
 - খ) 'পূর্ণ কমিশন' অর্থ University Grants Commission of Bangladesh Order, 1973 (P.O.No.10 of 1973); অনুযায়ী চেয়ারম্যান, পূর্ণকালীন সদস্য ও খণ্ডকালীন সদস্য দ্বারা গঠিত কমিশন;
 - গ) 'চেয়ারম্যান' অর্থ বাংলাদেশ বিশ্ববিদ্যালয় মঞ্জুরী কমিশনের চেয়ারম্যান;
 - ঘ) 'সদস্যবৃন্দ' অর্থ বাংলাদেশ বিশ্ববিদ্যালয় মঞ্জুরী কমিশনের পূর্ণকালীন সদস্যবৃন্দ;
 - ঙ) 'সচিব' অর্থ বাংলাদেশ বিশ্ববিদ্যালয় মঞ্জুরী কমিশনের সচিব;
 - চ) 'কমিশন কর্তৃপক্ষ' অর্থ বাংলাদেশ বিশ্ববিদ্যালয় মঞ্জুরী কমিশনের চেয়ারম্যান এবং পূর্ণকালীন সদস্যবৃন্দ;
 - ছ) 'স্টিয়ারিং কমিটি' অর্থ নীতিমালার আওতায় অ্যাওয়ার্ডি (Awardee) চূড়ান্ত মনোনয়নের জন্য গঠিত কমিটি;
 - জ) 'অ্যাওয়ার্ডি (Awardee)' অর্থ যেই শিক্ষার্থী 'প্রধানমন্ত্রী স্বর্ণপদক'-এর জন্য চূড়ান্তভাবে মনোনীত হইবে;
 - ঝ) 'নীতিমালা' অর্থ প্রধানমন্ত্রী স্বর্ণপদক নীতিমালা, ২০২৫;
 - ঞ) 'মূলধারার (Mainstream) ডিগ্রি' অর্থ বাংলাদেশের বিশ্ববিদ্যালয়সমূহ কর্তৃক স্নাতক পর্যায়ে প্রদত্ত ন্যূনতম ৪ (চার) বছর মেয়াদী ডিগ্রিসমূহ।
- ৪) **পদকের নাম** : 'প্রধানমন্ত্রী স্বর্ণপদক' হিসাবে বিবেচিত হইবে।
- ৫) **উদ্দেশ্য** : দেশের বিশ্ববিদ্যালয়ের মেধাবী শিক্ষার্থীদের অধ্যয়নের প্রতি অধিকতর উৎসাহিতকরণ এবং তাহাদের সাফল্যকে জাতীয় পর্যায়ে স্বীকৃতি প্রদান।
- ৬) **ফলাফলের সময়কাল** : যেই বৎসরের পদকের জন্য মনোনয়ন চাওয়া হইবে, সেই বৎসরের ১লা জানুয়ারি হইতে ৩১শে ডিসেম্বর পর্যন্ত সময়কালের মধ্যে প্রকাশিত ফলাফল বিবেচিত হইবে।
- ৭) **দরখাস্ত আহ্বান** : 'প্রধানমন্ত্রী স্বর্ণপদক' সংক্রান্ত বিজ্ঞপ্তি দেশের সকল পাবলিক বিশ্ববিদ্যালয় এবং স্থায়ী সনদপ্রাপ্ত বেসরকারি বিশ্ববিদ্যালয়ের রেজিস্ট্রার বরাবর প্রেরণ করা হইবে। সেই সঙ্গে ইউজিসি'র ওয়েবসাইটে (www.ugc.gov.bd) আপলোডকরণসহ বহুল প্রচারিত কমপক্ষে ১(এক) টি বাংলা ও ১(এক) টি ইংরেজি জাতীয় দৈনিক পত্রিকায় প্রকাশ করিতে হইবে।
- ৮) **যোগ্যতা/ শর্তাবলি** :
 - ক) শুধুমাত্র মূলধারার (Mainstream) ডিগ্রির জন্য 'প্রধানমন্ত্রী স্বর্ণপদক' প্রদান করা হইবে;
 - খ) পাবলিক বিশ্ববিদ্যালয়ের (জাতীয়, উন্মুক্ত ও ইসলামি আরবি বিশ্ববিদ্যালয় ব্যতীত) অনুষদের অধীন বিভাগসমূহের স্নাতক পরীক্ষায় সর্বোচ্চ সিজিপিএ প্রাপ্ত শিক্ষার্থীদের মধ্য হইতে প্রতি অনুষদ হইতে ১ (এক) জন শিক্ষার্থীকে মনোনয়ন প্রদান করিতে হইবে;
 - গ) প্রত্যেক পাবলিক বিশ্ববিদ্যালয়ের (জাতীয়, উন্মুক্ত ও ইসলামি আরবি বিশ্ববিদ্যালয় ব্যতীত) অধীনে সকল ইনস্টিটিউটের মধ্যে সর্বোচ্চ ফলাফল অর্জনকারী ১ (এক) জন শিক্ষার্থীকে মনোনীত করিতে হইবে;


- ঘ) জাতীয়, উন্মুক্ত ও ইসলামি আরবি বিশ্ববিদ্যালয় এবং স্থায়ী সনদপ্রাপ্ত প্রত্যেকটি বেসরকারি বিশ্ববিদ্যালয়ের স্নাতক পরীক্ষায় সকল অনুষদ/ইনস্টিটিউট/বিভাগের মধ্যে সর্বোচ্চ ফলাফল অর্জনকারী ১ (এক) জন শিক্ষার্থীকে মনোনীত করিতে হইবে;
- ঙ) কোনো অনুষদে স্নাতক পরীক্ষায় সর্বোচ্চ সিজিপিএ প্রাপ্ত একাধিক শিক্ষার্থী থাকিলে, তাহাদের মধ্য হইতে সর্বাধিক নম্বরপ্রাপ্ত শিক্ষার্থীকে মনোনয়ন প্রদান করিতে হইবে। একাধিক শিক্ষার্থী সমান নম্বর প্রাপ্ত হইলে, পর্যায়ক্রমে উচ্চমাধ্যমিক (এইচএসসি/সমমান) এবং মাধ্যমিক (এসএসসি/সমমান) পরীক্ষার ফলাফলের ভিত্তিতে মনোনয়ন প্রদান করিতে হইবে;
- চ) ইউজিসি কর্তৃক নির্ধারিত আবেদনপত্র পূরণপূর্বক বিশ্ববিদ্যালয়ের রেজিস্ট্রার/যথাযথ কর্তৃপক্ষের স্বাক্ষরসহ কমিশনে প্রেরণ করিতে হইবে;
- ছ) মনোনীত শিক্ষার্থীদের প্রত্যেকের জন্য আলাদাভাবে একটি প্রত্যয়নপত্র প্রেরণ করিতে হইবে, যাহাতে শিক্ষার্থীর নাম, প্রতিষ্ঠান, অনুষদ, বিভাগ, ডিগ্রি, প্রাপ্ত মোট নম্বর, শতকরা হার এবং ফলাফল প্রকাশের তারিখ সুনির্দিষ্টভাবে উল্লেখ থাকিতে হইবে। এছাড়া, একই বৎসরে একই অনুষদে একাধিক শিক্ষার্থী সমান সিজিপিএ প্রাপ্ত হইলে, তাহাদের প্রাসঙ্গিক তথ্যাবলি যথাযথভাবে পূরণ করিয়া কমিশনে প্রেরণ করিতে হইবে।
- জ) কেবল নির্দিষ্ট শিক্ষাবর্ষের শিক্ষার্থীরাই পদক প্রদানের জন্য বিবেচিত হইবে। তবে একই বৎসরে যদি একাধিক শিক্ষাবর্ষের (ভর্তির) চূড়ান্ত ফলাফল প্রকাশিত হয়, সেক্ষেত্রে প্রতিটি শিক্ষাবর্ষের শিক্ষার্থীদের পৃথকভাবে পদক প্রদান করা হইবে।

- ৯) কমিটি : ৯.১) প্রধানমন্ত্রী স্বর্ণপদক প্রদানের লক্ষ্যে প্রাপ্ত আবেদনসমূহ যাচাই-বাহাইপূর্বক চূড়ান্তভাবে মনোনয়নসহ অনুষ্ঠান সুষ্ঠুভাবে পরিচালনার নিমিত্ত একটি **স্টিয়ারিং কমিটি** নিম্নোক্তভাবে গঠিত হইবে:
- ক) চেয়ারম্যান, ইউজিসি-----আল্হায়ক
খ) সকল পূর্ণকালীন সদস্য, ইউজিসি-----সদস্য
গ) সচিব, ইউজিসি-----সদস্য
ঘ) সকল বিভাগীয় পরিচালক, ইউজিসি-----সদস্য
ঙ) অতিরিক্ত পরিচালক, রিসার্চ গ্রান্টস এন্ড এওয়ার্ড অনুবিভাগ, ইউজিসি-----সদস্যসচিব
- ৯.২) প্রধানমন্ত্রী স্বর্ণপদক প্রদান অনুষ্ঠানের ব্রুশিউর মুদ্রণের নিমিত্ত প্রণয়নকৃত পাণ্ডুলিপি সম্পাদনাসহ অনুমোদনকরণের লক্ষ্যে নিম্নোক্তভাবে একটি **ব্রুশিউর সম্পাদনা পরিষদ** গঠন করা হইবে-
- ক) চেয়ারম্যান, ইউজিসি-----প্রধান পৃষ্ঠপোষক
খ) সকল পূর্ণকালীন সদস্য, ইউজিসি-----উপদেষ্টা
গ) সচিব, প্রশাসন বিভাগ, ইউজিসি-----সদস্য
ঘ) পরিচালক, রিসার্চ গ্রান্টস এন্ড এওয়ার্ড বিভাগ, ইউজিসি-----সদস্য
ঙ) পরিচালক, জনসংযোগ ও প্রকাশনা বিভাগ, ইউজিসি-----সদস্য
চ) অতিরিক্ত পরিচালক, স্কলারশিপ, ফেলোশিপ ও এওয়ার্ড অনুবিভাগ, ইউজিসি-----সদস্য
ছ) উপপরিচালক, এওয়ার্ড শাখা, ইউজিসি-----সদস্য
জ) উপপরিচালক, জনসংযোগ ও তথ্য অধিকার শাখা, ইউজিসি-----সদস্যসচিব
- কমিশন কর্তৃপক্ষ কমিটির কার্যসম্পাদনের প্রয়োজনে এক বা একাধিক সদস্য কো-অপ্ট করিতে পারিবেন।
- ৯.৩) প্রধানমন্ত্রী স্বর্ণপদক প্রদান অনুষ্ঠান সুষ্ঠুভাবে পরিচালনার লক্ষ্যে নিম্নোক্ত ছয়টি **উপকমিটি** গঠন করা হইবে-
- i) আমন্ত্রণ, অভ্যর্থনা ও হল ব্যবস্থাপনা উপকমিটি;
ii) অর্থ উপকমিটি;
iii) প্রচার ও প্রকাশনা উপকমিটি;
iv) স্বর্ণপদক প্রস্তুতকরণ উপকমিটি;
v) আপ্যায়ন উপকমিটি;
vi) স্বর্ণপদক প্রার্থীদের সাথে যোগাযোগ স্থাপন ও তথ্য ব্যবস্থাপনা উপকমিটি।
- কমিশন কর্তৃপক্ষ কার্যসম্পাদনের প্রয়োজনে উপকমিটির সংখ্যা হ্রাস বা বৃদ্ধি করিতে পারিবেন।
- ১০) সম্মাননা : 'প্রধানমন্ত্রী স্বর্ণপদক'-এর মনোনীত শিক্ষার্থীগণকে নিম্নলিখিত সম্মাননা প্রদান করা হইবে—
- ১০.১) ২২ (বাইশ) ক্যারেট মানের ৪.৫ (সোড়ে চার) গ্রাম স্বর্ণ ও ১০ (দশ) গ্রাম রৌপ্য দ্বারা নির্মিত একটি পদক;
১০.২) একটি সম্মাননাপত্র।
- ১১) পদক প্রদান পদ্ধতি : ১১.১) চূড়ান্তভাবে নির্বাচিত অ্যাওয়ার্ডিকে গণপ্রজাতন্ত্রী বাংলাদেশ সরকারের মাননীয় প্রধানমন্ত্রীর অভিপ্রায় অনুযায়ী নির্ধারিত তারিখ ও সময়ে আনুষ্ঠানিকভাবে পদক প্রদান করা হইবে।
- ১১.২) মনোনীত অ্যাওয়ার্ডি অনিবার্য কারণে অনুষ্ঠানে উপস্থিত হইতে না পারিলে তাঁহার স্ত্রী/স্বামী/পিতা/মাতা অথবা একজন উপযুক্ত প্রতিনিধি পদক গ্রহণ করিতে পারিবেন।

- ১২) আদেশজারির কার্যকারিতা : এই নীতিমালা কমিশনের পূর্ণ কমিশন সভার অনুমোদনের তারিখ হইতে কার্যকর বলিয়া গণ্য হইবে।
- ১৩) রহিতকরণ ও হেফাজত : ১৩.১) বাংলাদেশ বিশ্ববিদ্যালয় মঞ্জুরী কমিশনের 'প্রধানমন্ত্রী স্বর্ণপদক নীতিমালা' সংক্রান্ত ইতোপূর্বে প্রণীত সকল প্রকার নীতিমালা এতদ্বারা রহিত করা হইল; এবং
১৩.২) উপ-অনুচ্ছেদ ১৩.১ এর অধীন রহিত হওয়া সত্ত্বেও, ২০২৪ খ্রিষ্টাব্দ পর্যন্ত 'প্রধানমন্ত্রী স্বর্ণপদক' প্রদান সংক্রান্ত সকল কার্যক্রম অথবা গৃহীত ও চলমান ব্যবস্থা উক্ত রহিত নীতিমালার (কমিশন কর্তৃপক্ষ কর্তৃক ১৬-০১-২০১৭ খ্রিষ্টাব্দ তারিখে অনুমোদিত 'প্রধানমন্ত্রী স্বর্ণপদক নীতিমালা') অধীনেই সম্পন্ন হইবে।
- ১৪) নীতিমালা সংশোধন ও অস্পষ্টতা দূরীকরণ : ১৪.১) 'প্রধানমন্ত্রী স্বর্ণপদক' স্টিয়ারিং কমিটির সুপারিশের ভিত্তিতে এই নীতিমালার যেইকোনো পরিবর্তন, পরিবর্ধন, সংযোজন/বিশোধন বা সংশোধনের ক্ষমতা কমিশনের উপর ন্যস্ত থাকিবে;
১৪.২) এতদ্ব্যতীত এই নীতিমালার কোনো অনুচ্ছেদ/বাক্য/শব্দের ব্যাখ্যা বা অর্থ নির্ধারণ কিংবা বিশেষ পরিস্থিতির উদ্ভব হইলে কমিশন কর্তৃপক্ষের সিদ্ধান্তই চূড়ান্ত বলিয়া গণ্য হইবে; এবং
১৪.৩) 'প্রধানমন্ত্রী স্বর্ণপদক' প্রদান সংক্রান্ত যেইকোনো বিষয়ে চূড়ান্ত সিদ্ধান্ত গ্রহণের ক্ষমতা কমিশন কর্তৃপক্ষ সংরক্ষণ করেন।



ড. মোঃ ফখরুল ইসলাম
সচিব
বাংলাদেশ বিশ্ববিদ্যালয় মঞ্জুরী কমিশন



প্রফেসর ড. এস এম এ ফারুক
চেয়ারম্যান
বাংলাদেশ বিশ্ববিদ্যালয় মঞ্জুরী কমিশন